

## Ka jaritaanada Mushaharka Shaqaaluhu waxay bilaabmeysaa 1-da Janaayo, 2023

- Saamiga shaqaalaha ee ku aadan lacagta uu ku bixinaayo ceymiska FAMLI ayaa laga dhigay 0.45% mushaharka shaqaalaha illaa 2024. Sannadka 2025 iyo wixii ka dambeeya, agaasimaha FAMLI Division ayaa u dejin doonaa sicirka lacagta lagu bixinaayo ceymiska si waafaqsan qaacido ku salaysan qiimaha lacageed ee maalgelinta sannad kasta. Loo-shaqeeyayaasha leh toban ama in ka badan oo shaqaale ah waa inay sidoo kale ku biiriyaan 0.45% dheeraad ah oo mushahar ah wadarta guud ee 0.9% ah, laakiin loo-shaqeeyayaasha leh sagaal shaqaale ama ka yar ayaa kaliya ka mas'uul ah 0.45% saamiga shaqaalaha ee FAMLI Division.
- Laga bilaabo 2023, loo-shaqeeyayaasha ayaa laga yaabaa inay bilaabaan inay ka jaraan illaa 0.45% mushaharka shaqaalaha oo ayna u jaraan tabarucadaada FAMLI. Tan waxaa lagu samayn karaa mushahar ka jaris fudud, shaqaaluhuna waxay ku ogaan doonaan ka jarista jeegaga mushaharkooda caadiga ah. Loo-shaqeeyayaasha ayaa mas'uul ka ah soo uruurinta lacagaha lasoo jarjaray iyo u diristooda FAMLI Division iyagoo ka wakiil ah shaqaalaha rubucii mar.

## Dheefuhu waxay bilaabmayaana Janaayo 1, 2024

- Laga bilaabo 2024, dheefaha fasaxa qoyska iyo caafimaadka ee lacagta leh ayaa diyaar u ahaan doonaa inta badan shaqaalaha Colorado ee leh xaalad u qalmida oona ka kasbaday \$2,500 sanadkii hore shaqo uu ku qabtay gudaha Colorado.
- Shuruudaha u-qalmiitaanka ee fasaxa qoyska iyo caafimaadka ee lacagta leh waa:
  - Xanaaneynta ilmo cusub sanadka ugu horeeya ka dib dhalashada, korsashada, ama ku meelaynta goobta daryeelka ee korriinka ilmahaas.
  - Daryeelida xubin qoyska ka mid ah oo xaalad caafimaad oo daran ay hayso.
  - Iska-daryeelida xaaladaada caafimaad ee halista ah.
  - U diyaar gareynta xubin qoyska ka tirsan hawlgal ciidan.
  - Helitaanka guriiyeeyn badbaado leh, daryeel, iyo/ama gargaar sharci oo ka jawaabaya rabshadaha qoyska, daba-galka, weerarka galmada la xidhiidha, ama xadgudubka galmada.
- Shaqaalaha caymiska leh ayaa waxey xaq u leeyihiin illaa 12 toddobaad oo ah fasaxa qoyska iyo caafimaadka oo mushahar ah sannadkii. Shakhsiyadka qaba xaalado caafimaad oo halis ah oo ay sababeen dhibaatooyinka uurka ama dhibaatooyinka dhalmada waxay xaq u leeyihiin illaa 4 toddobaad oo dheeraad ah oo fasaxa qoys iyo caafimaadka ee lacag leh ah sannadkii taasoo wadar ahaan ka dhigeysa 16 toddobaad.
- Fasaxa ayaa loo qaadan karaa si isdaba joog ah, joogto ah, ama qaab jadal la dhimay ah.
- Fasaxa ayaa lacagtiisa lagu bixinayaa sicir ah illaa 90% celceliska mushaharka todobaadlaha ee shaqaalaha, iyadoo lagu salaynayo miisaan isbedbeddelaaya. Shaqaaluhu waxay qiyaasi karaan dheefahooda iyagoo isticmaalaya xisaabiyaha dheefaha ee laga heli karo famli.colorado.gov.
- Uma baahnid inaad u shaqeyso loo-shaqeeyahaaga wakhtiga ugu yar si aad ugu qalanto dheefaha fasaxa qoyska iyo caafimaadka ee lacagta leh.
- Haddii fasaxa FAMLI loo isticmaalo sabab sidoo kale u qalmata fasaxa hoos timaada FMLA federaalka, markaas fasaxa sidoo kale waxaa loo tirin doonaa sida fasaxa FMLA ee la isticmaalay.
- Shaqaaluhu waxa ay dooran karaan in ay isticmaalaan fasaxa jirada ama wakhtiga fasaxa ee lacagta leh ee kale ka hor inta aanay isticmaalin dheefaha FAMLI, laakiin loogama baahna inay sidaan sameeyaan.
- Loo-shaqeeyayaasha iyo shaqaaluhu waxay si wadajir ah ugu heshiin karaan dheefo FAMLI oo dheeraad ah iyagoo isticmaalayaan fasaxa jirada ama wakhtiga fasaxa lacagta leh ee kale si loo bixiyo beddelka mushaharka buuxa.

## Xareynta Sheegashooyinka

- Shaqaaluhu ma awoodi doonaan inay xareystaan dheefo illaa rubuc dhamaadka 2023. Dheefaha ayaa la heli doonaa laga bilaabo Janaayo 2024. Tilmaamaha ku aadan sida loo codsado dheefaha ayaa laga heli doonaa famli.colorado.gov rubuc dhamaadka 2023.
- Shaqaalaha ama wakiiladooda la magacaabay ayaa codsan karaan dheefaha FAMLI iyagoo u soo gudbinaya codsi, oo ay la socdaan dokumentiyada loo baahan yahay, si toos ah FAMLI Division. Loo-shaqeeyayaashu ma awoodaan iney ka dhigaan shaqaalaha kuwo dalbadaan dheefaha FAMLI.
- Codsiyada ayaa la soo gudbin karaa ka hor ka maqnaanshaha shaqada, xaaladaha qaarkoodna, waxaa laga yaabaa in la soo gudbiyo ka dib marka maqnaanshaha ay bilaabmato.
- Codsiyada la ansixiyo ayaa waxaa bixin doonta FAMLI Division laba toddobaad gudahooda ka dib marka cabashada si habboon loo xareeyo, iyo labadii toddobaadba mar ka dib muddada fasaxa la ansixiye.
- Shaqaaluhu waxay rafaan uga qaadan karaan go'aannada sheegashooyinka FAMLI Division.
- Shakhsiyadka isku daya in ay khiyaameeyaan barnaamijka FAMLI ayaa laga yaabaa in laga joojiyo helitaanka dheefaha.

## Ilaalinta shaqada iyo dheefaha sii socda

- Loo-shaqeeyayaashu waa inay u ilaaliyaan dheefaha daryeelka caafimaadka ee shaqaalaha inta ay ku jiraan fasaxa FAMLI, oo labadaba loo shaqeyaha iyo shaqaaluhu wa iney mas'uul ka sii ahaadan bixinta dheefaha lacag la mid ah ka hor inta aan fasaxa uu bilaabmin.
- Shaqaale u shaqaynayay loo shaqeyaha ugu yaraan 180 maalmood waxa uu xaq u leeyahay in uu ku soo laabto isla booskii, ama boos u dhigma, marka ay ka soo noqdaan fasaxa FAMLI.

## Aargoosi, Takoorid, iyo Faragelin Waa Mamnuuc

- Loo-shaqeeyayaashu ma faragelin karaan xuquuqaha shaqaalaha ee hoos yimaadaan FAMLI, mana takoori karaan ama kama aargoosan karaan iyaga sabab la xidhiidha gudashada xuquuqahaas.
- Shaqaalaha la kulmaan aargoosi, takoorid, ama faragelin ayaa laga yaabaa inay dacwo ka xareystaan maxkamada, ama waxay ka xareeyaan karaan andaco FAMLI Division.

## Macluumaadka Kale ee Muhiimka Ah

- Loo-shaqeeyaha ayaa laga yaabaa inuu soo bandhigo qorshe qaas ah oo bixiya dheefo la mid ah ceymiska FAMLI ee gobolka, kaas oo aan soo rogeynin kharash dheeraad ah ama xaddidaado. Qorshayaasha qaaska ah waa in ay ansixiyaan FAMLI Division.
- Shaqaalaha iyo loo shaqeeyayaasha waxaa lagu dhiirigelinayaa inay u soo sheegaan FAMLI Division xad-gudubyada FAMLI.

